



PEJABAT PERDANA MENTERI
UNIT TRANSFORMASI MASYARAKAT INDIA MALAYSIA

Aras 4, Setia Perkasa 5, Kompleks Setia Perkasa
Pusat Pentadbiran Kerajaan Persekutuan
62502 Wilayah Persekutuan Putrajaya, Malaysia
No. Tel: 03-8886 6221, E-mel: infomitra.mitra.gov.my

MITRA.100-9/1/1 (43)

KENYATAAN MEDIA
PELUNCURAN PELAKSANAAN INISIATIF PERALATAN ICT (SMART BOARD)
DI SEKOLAH-SEKOLAH JENIS KEBANGSAAN TAMIL (SJKT) TAHUN 2025

PUTRAJAYA, 09 Disember 2025 – Unit Transformasi Masyarakat India Malaysia (MITRA) dengan kerjasama Yayasan Didik Negara (YDN), hari ini melancarkan Pelaksanaan Inisiatif Peralatan ICT (*Smart Board*) bagi memperkasa pembelajaran digital di Sekolah-sekolah Jenis Kebangsaan Tamil (SJKT) yang terpilih diseluruh negara. Inisiatif ini selari dengan komitmen kerajaan di bawah kepimpinan **YAB Perdana Menteri, Dato' Sri Anwar Ibrahim**, bagi memastikan akses kepada pendidikan berkualiti dan berteknologi moden kepada semua murid.

Di bawah inisiatif ini, kerajaan melalui MITRA telah menyalurkan peruntukan sebanyak **RM5 juta** bagi membekalkan **400-unit Smart Board** kepada **387 SJKT** di seluruh negara. Pengagihan dibuat berdasarkan data rasmi yang dikemukakan oleh Bahagian Pengurusan Aset (BPA), KPM, iaitu satu (1) unit untuk sekolah kurang daripada 800 murid, dan dua (2) unit untuk sekolah melebihi 800 murid.

Pengagihan Smart Board akan bermula pada **20 Disember 2025** dan dijangka selesai pada **10 Januari 2026**, memastikan semua sekolah dapat memanfaatkan peralatan ini sebelum sesi persekolahan 2026 bermula.

Yang Berhormat Dato' Sri Ramanan Ramakrishnan merakamkan penghargaan kepada YDN dan KPM, khususnya BPA, atas sokongan dalam memastikan pengagihan peralatan dibuat secara berkeperluan dan memberi impak maksimum kepada murid SJKT. Inisiatif ini menandakan satu lagi komitmen kerajaan dalam memperkukuh ekosistem pendidikan SJKT selaras dengan aspirasi Malaysia Madani.

-TAMAT-